

# Sra. Monica Kock y su boeki: Tuma mi man y cana cu mi!

STA. CRUZ -- Diamars anochi na "Aruba Surfside Marina" pa un publico invita y selecta, Monica Kock a presenta su boeki TUMA MI MAN Y CANA CU MI. Segun Monica, Aruba ta un isla bendiciona, pero hamburger no ta cay for di cielo. Segun Monica, Aruba ta bendiciona pasobra su hendenan tin fe den Dios, Aruba su hendenan ta religioso y cu nan tin confianza den Dios pa wordo yuda. Aki Monica Kock a referi na Bisschop Tutu cu a yega di bisa cu na Africa tin mucha cu ta muriendo di hamber. Tutu ta bisa cu nos por resa pa un milagro pa asina e muchanan aki por wordo yuda. Pero, Dios no ta laga hamburger cay for di cielo. Ta Dios mester bati na e

porta y ta nos deber pa habri e porta pa asina Dios por tuma accion, usando e hendenan cu a pone nan mesdisponibel. Sra. Monica Kock a sigui conta cu pa skirbi e boeki, no tabata algo facil. Normalmente e ta un hende hopi reserva, y pa e skirbi tur su deseonan riba papel, habriendo su persona pa e lesador no tabata un cos facil pa haci. Sinembargo el'a haci'e toch y como resultado e boeki. E boeki aki ta algo hopi personal. Un di su tema cu el'a enfatiza tabata e circulo di favor. Es decir, e ta kere cu ora e haci un hende un favor, bo no mester preocupa pa haci un favor bek na dje. No, envez di esey e lo recomenda pa haci un otro hende un favor. Si e

otro hende haci un otro persona un favor atrobe, mas hende por wordo yuda y segun esaki ta sigui, un dia un otro hende lo haci un favor bek pabo. Segun

Ruben Trapenberg cu tabata e mc, haci hende un favor ta algo cu tabata tipico di e Arubiano antes, y e ta pensa cu esaki mester bin bek como costumber

pa e Arubiano.

Na final Monica Kock a gradici tur su hendenan cu a kere den dje y su proyecto y cu a para firme su tras den esaki.



**Un Mega  
Pabien  
na Prensa!**



**Danki pa informa nos tur dia, tur ora, di tur suceso local y internacional.**

**Masha Pabien cu Boso "Dia di Prensa"**

*Aruba ta mi isla. Aruba Bank ta mi banco.*

[www.arubabank.com](http://www.arubabank.com)

**Arubabank®**  
understands